

Ko nga tangata e whitu e mau ake nei o ratou ingoa i raro he tangata i kowhiria i roto i a ratou e nga tangata nona te whenua hei mema mo te Komiti Hapu mo tenei poraka, a i whakaaetia ano hoki e nga tangata katoa o taua whenua i tae mai ki te aroaro o tenei Komihana i te nohoanga ki Whakatane i te 8 o nga ra o Maehe, 1907.

1. Te Pouwhare te Roau.
2. Te Wakaunua Houpepe.
3. Paora Rangiaho.
4. Numia te Ruakariata.

5. Timi Tamehana.
6. Hohia te Ahikaiaata.
7. Tupara Kaaho.

GILBERT MAIR (Tawa).
D. F. G. BARCLAY (Pakere).
PARATENE NGATA.

KARIOI PORAKA.

Piira Nama 21 me 22.—I whakahaerea te uiuinga o enei piira e tenei Komihana; he nui nga korero i homai; a i muri iho ka whakaritea he tikanga e nga taha e pakanga ana kia ratou mo nga take e tau-tohetia ana e ratou, a homai ana e ratou taua whakaotinga ki te aroaro o tenei Komihana kia whakamanaia, me te whakaae ano hoki nga taha katoa, ara.

Mo te Piira Nama 21, a Paora Kingi, e tonono ana kia whakaurua ia me etahi atu tangata hui katoa e rua tekau ma whitu nga ingoa; me te Piira Nama 22, a Te Tupara Tamana, mo etahi tangata e wha tekau ma wha i mahue i te wa o te Komihana tuatahi; a kua whakaaetia me whakauru enei tangata e whitu tekau ma tahi ki te rarangi ingoa o te hunga nona te whenua.

No reira kua apititia atu aua ingoa e whitu tekau ma tahi, me o ratou hea, e tenei Komihana, ki te rarangi ingoa o te ota mo tenei poraka, ara timata atu i te Nama 218 tae noa ki te Nama 356. A ki ta matou whakaaro me whakapumau tena rarangi ingoa me ena hea, i runga i te tonono a nga taha katoa kia whakaotia peratia.

Ko nga tangata e ono e mau ake nei nga ingoa i raro he tangata i kowhiria i roto i a ratou e te hunga nona te whenua hei mema mo te Komiti Hapu mo tenei Poraka, a i whakaaetia ano hoki e nga tangata katoa o taua whenua i tae mai ki te aroaro o tenei Komihana i te nohoanga ki Whakatane i te 8 o nga ra o Maehe, 1907.

1. Turei Tiakiwai.
2. Te Wharau Tapuae.
3. Akuhata te Hiko.

4. Tangira te Hira.
5. Hauwai Tiakiwai.
6. Hohia te Ahikaiaata.

GILBERT MAIR (Tawa).
D. F. G. BARCLAY (Pakere).
PARATENE NGATA.

MARAETAHIA PORAKA ME OTAIRI PORAKA.

Piira Nama 23 me 141.—A Whata Henare, mo aua poraka e rua. I whakahaerea aua piira e tenei Komihana, a he nui nga korero i homai.

Piira Nama 24 me 142.—A Tamati Waaka, mo etahi wahi o aua poraka e rua kua kiia ake nei. I whakahaerea ano enei piira e tenei Komihana, me nga korero i homai.

Piira Nama 25 me 143.—A Hohepa Poia me etahi atu, mo aua poraka e rua nei ano. I huia atu enei piira e rua ki roto ki te kechi nui a Ngati Manawa mo Te Whaiti Poraka, a huia tahitia ana te whakahaerenga o aua piira e toru hei kechi kotahi.

Kua ata whiriwhiria e matou nga korero katoa mo enei piira, a kaore matou e kite ana i etahi tino korero kaha e tika ai ki ta matou whakaaro kia whakarereketia te whakatau tuatahi mo Maraetahia Poraka me ona rohe.

Na, mo te rarangi whakauru a Whata Henare, mo Maraetahia me Otairi Poraka, ki ta matou titiro kua tino mataotao ona paanga ki te whenua, a he waimarie tona urunga ki aua whenua e rua mo nga paanga e whiwhi ana ki a ia i raro i te whakatau a te Komihana tuatahi. No reira e tohutohu penei atu ana matou, ko ana rarangi ingoa whakauru i homai e ia mo enei poraka me hinga, me ana piira e rua, Nama 23 me Nama 141, me whakakore atu.

Na, mo nga rohe tonga o Otairi Poraka; kua whiriwhiria e matou ona ahuatanga katoa, a e penei ana ta matou tohutohu atu; me whakatikatika nga rohe kia hangai ki ona whakatikatikanga e mau na i te Mapi Nama 6848, ara, me tika atu i te peeke i te koki tonga-rawhiti o Maraetahia Poraka, i te wahi e karangatia nei ko "Taumata," ko "Ngamokaikai-a-te-Ao" ranei, i runga i te mapi; rere atu i reira whaka te tonga-rawhiti ma runga i te raina tika e karangatia nei i runga i te mapi ko "te rohe a Tuhoe," tae noa ki te rohe hauraro-rawhiti o Te Whaiti Poraka i te hononga o Opaheru Awa me Okahu Awa; a ko tera wahi o Otairi Poraka kei te taha Hauauru o taua raina e takoto ana me apiti atu ki, a me uru atu hei wahi mo, Te Whaiti Poraka.

A ko nga piira katoa mo enei poraka e rua mo Maraetahia me Otairi me whakakore atu (ara Nama 23, 24, 25, me 141, 142, me 143).

Ko nga tangata e whitu e mau ake nei nga ingoa i raro he tangata i kowhiria i roto i a ratou e nga tangata nona te whenua hei mema mo te Komiti Hapu mo Maraetahia Poraka, a i whakaaetia ano hoki e nga tangata katoa o taua whenua i tae mai ki te aroaro o tenei Komihana i te nohoanga ki Whakatane, i te 8 o nga ra o Maehe, 1907.

1. Tihema te Hau.
2. Peraniko Kapeta.
3. Manihera Pahiri.
4. Pihopa Tamehana.

5. Tureiti Mehaka.
6. Tane Hauraki.
7. Harehare Aterea.